

3. Lee LOME 111, 116. Dehan saida mai ha'u?
4. Durante Madre Mazzarello nia akompañamentu ho Corrina nia asume hahalok boot 5. Oinsa ha'u?
5. Halo orasaun badak ida kona ba fetu tua foun nian no ha'u nia Kuaresma.

RETIRU FULAN MARSU 2020 (proposta)

Irman dahuluk sira-nia moris iha estilu –

SISTEMA PREVENTIVU



Ambitu Formasaun-TIN



- **Orasaun ba Espíritu Santu.**

- Molok atu reflète kona-ba Irman dahuluk sira-nia moris iha estilu –SISTEMA PREVENTIVU, mai ita reflète uituan kona-ba:

- **Evanjellu:** “*Halo tuir ba buat ne’ebé Nia haruka*”.. (Jo.2:6).Fiar loloos konsiste iha tau laran-metin iha Jezús Nia Liafuan maski la haree sinál sira.

- **Reflesaun**

⁶“Kusi fatuk neen iha ne’ebá, tuir Judeu sira-nia lisan hamoos an nian; ...” neen katak hitu menus ida, katak laos perfeitu; ritual imperfeitu Antigu Testamentu nian no nia uzansa sira. Jezús mak hakonu no inagura hodi sai perfeitu, Adorasaun foun nian. Bee signifika ritual sira Antigu Testamentu nian ne’ebé troka ho Tua Foun Tua Di’ak Testamentu Foin nian .

“Kusi ida ida bele lori litru ualu-nulu ka atus ida rua-nulu”, tua wain mak sinál tempu mesiánico.” Iha loron ne’ebá iha foho lolon sira sei halai tun tua foun nian no nune’e mós foho-oan sira”. (Amos 9:13-14) .” Iha loron ne’ebá rai sei hakonu ho uvas no fornese tua foun no mina”. (Hosea 2”23-24). Nune’e mós wainhira Jezús halo paun sai wain, Jezús sei prepara paun wain. Paun no Tua wain mak símbol mesiánico ne’ebé fertil/prosperidade. Disipulu sira neneik neneik deskobre no hatene signifikadu sinál sira nian no fiar katak Jezús nu’udar Mesias.

Tempu Mesias nian mak festa kazamentu; Noivu mak Maromak, iha momentu ida-ne’e Nia Oan mak reprezenta Nia no noiva mak Maromak Nia povu. Kazamentu foun akontese dadaun:” ha’u sei prenda ó ho ha’u-nia an...”(Hosea 2:21) Jezús nu’udar noivu rai didia’ak tua to’o *oras ne’e*”. Istória remata “ *Ó fali rai subar tiha tua di’ak to’o oras ne’e*”. Mesiánico Nia tempu oras ne’e. Ninia tua, Ninia hanorin sira, Ninia revelasaun perfeitu ho Maromak mak tua foun, kompara ho revelasaun tuan nian mak bee. Lialoos ne’ebé Nia lori, mak Nia rasik, di’ak liu no perfeitu,” nakonu ho grasa no lialoos”.

Ita presiza asimila klean liutan kona-ba Jezús nia pesoa. Horik ho Nia, iha fatin sa de’it bele asimila ninia personalidade.

nune’e nia deside atu soe hotu moe-laek sira ne’ebé iha nia konxiénsia konfundi hela nia.

Hanesan akontese iha Oratorio Valdocco nian, nune’e mós iha uma Imaculada, kbiit sakramentu nian tulun edukador/a sira atu realiza obra sira no orienta foinsa’e sira atu hahú fali moris foun. Nune’e mós Corrina, Maromak Nia Domin book nia fuan interiormente, nia hahú kumprande katak grasa Maromak Nian presiza fôhan ho moris sakramentu nian no buat hotu troka iha nia moris, lalais de’it nia sai hanesan ninia belun sira ne’ebé nakonu ho virtude no deside atu tuir FMI sira ho virtude haraik an, no nia atrae sira nia moris piedade no karidade. Sirkular konvokasaun KJ XXIV, subliña, comunidade dahuluk FMA nian mak comunidade jera moris tanba “ hahoris fila fali” husi Maromak Nia Liafuan(S.Pedro. 1,2) no hakbiit husi Eukaristia no husi perdaun simu no fó. (Cir.MG N.992).

Sei iha tan fetoran nain rua nia moris, ne’ebé bele tulun ita atu moris ita-nia konsagrada iha sistema preventive Don Bosco no Madre Mazzarello nian iha ita-nia misaun. Hanesan :”Maria Belletti, rai ida-ne’ebé presiza atu kee”, ida seluk Emma Ferrero, rebelde ne’ebé bolu ba santidade”. Bele lee husi Cronistoria II 104-105; 189-190; 238-239; III 103; 124. Web. Fma-tin (Referensia husi Livru Contigo, Main, Subsidio Projeto Mornese).n

- **Pergunta sira atu gia ita. (bele halo mesak)**

1. Ita haree oinsa Maria Nazare nia intervensaun ba Jezús nia misaun no mós Maria Mornese ninia konfiasaun tomak ba Enrichetta nia kapasidade no esperiénsia nu’udar akompañadora. *Oinsa ita-nudar FMA iha ita-nia misaun sira?*
2. Disípulu sira neneik neneik deskobre no hatene signifikadu sinál sira ne’ebé Jezús halo no fiar katak Jezús mak nu’udar Mesias Madre Mazzarello ho ninia matenek esperta nian **observa besik hela Corrina** no la husik nia, hodi dehan ba nia an:’ fetoran ne’e laran-di’ak no ha’u iha esperansa boot, la kleur tan Maromak Nia Gloria sei ukun nia fuan”. Oinsa ha’u?

Fetoran ne'e sente libre atu esprime nia an espontanea, enkuantu Madre Mazzarello ho ninia matenek esperta nian **observa besik hela nia** no la husik nia, hodi dehan ba nia an: fetoran ne'e laran-di'ak no ha'u iha esperansa boot iha nia, la kleur tan Maromak Nia Gloria sei ukun nia fuan".

Laoos FMI hotu iha opinaun hanesan Madre Mazzarello nian; balun haree Corrina nia moris estrañu iha pasadu, no mós lakohi reza, sira husu se karik loron ida Corrina sei troka nia vida.

Intuisaun Maria Mazzarello kona ba Corrina nia karakter nak-flak duni nia liuhusi valor Mornesiana sira nian, nune'e konsege forma itinerariu edukativu ida-ne'ebé personalizadu. Estilu atuasaun Maria Mazzarello nian mak rezultadu husi estratejia oioin ne'ebé armonizada husi idea klean no fundamentu sistema salesianu nian katak tau laran-mentin tomak iha ema no ninia potencialidade sira. (LOME no.111 lee).

Maria Mazzarello **reza intensamente ba Corrina**, no matan-moris nafatin ba fetoran sira seluk atu la inflénsia ho Corrina ninia ezemplu aat sira. Madre ho ninia sabedoria no hateken edukativu metin ba Corrina ho tempu hanesan lahusik grupu sira, nia aplika regra osan-mean sistema preventivu nian, norma sira ne'ebé uza tiha ona iha sala kostura bé nia inkarna ho ninia orijinalidade, tau-pratika iha ninia governu ho enerjia laran-midar nian, bondade ba firmeza.

Husi ne'e Maria Mazzarello hakuak Corrina ho **kuidadu domin-nian**, hodi buka nafatin atu konkista ninia fuan, liuhusi ninia liafuan domin-nian ne'ebé klean. Hein momentu loos:" dala ruma iha kalan ema hotu toba ona Madre hakbesik ba nia, bolu nia koko atu manan nia rezistencia sira, hodi ko'alia husi fuan ba fuan, hahú **ko'alia ho nia ho laran-midar** kona ba mama nia mate".(LOME no.116 lee).

Maria Mazzarello **hein tempu di'ak** no loos atu bele komunika ho orfaun ida-ne'ebé karik lakon kleur ona inan ida nia domin, sente **mamuk** tanba laiha ona inan ida atu fô-hanoin, atu hadomi no konsola. Corrina simu ho laran-di'ak Madre Mazzarello nia aprosimasaun no lori nia atu tama iha ninia moris interior, hodi hakonu fali ho domin loloos nian

Ó bele horik ho Jezús ne'ebé presente iha misteriu sira, iha ó-nia imajinasaun. Haree, rona no obeserva saida mak akontese iha ó-nia moris loron loron nu'udar Maromak Nia momentu, Maromak Nia hakarak. Tulun atan sira atu kuru bee. Koko tua fuan. Para uituan no ko'alia ho Jezús husi ó-nia fuan. Remata ho ó-nia kolokui pesoal. Ko'alia ho Jezús ne'ebé hun tua di'ak nian (ó gosta halo hanesan ne'e?); ko'alia ba, ko'alia ho Jezús Nia Inan, "Feto" iha kana no iha kruz hun kona-ba ninia papel iha kriasaun foun, Adam Foun iha Kruz leten. (*Referensia husi livru Praying w/the Heart by Fr. George Ukken, SJ*).

• **Irman dahuluk sira-nia moris iha estilu-SISTEMA PREVENTIVU**

Komunidade Mornese kompostu husi relijioza sira ne'ebé nakonu ho arte edukativa, Família *patriarcalis* tempu uluk nian, favorese esperiénsia "pedagójiku" ida-ne'e liuhusi konvivénsia ho ema hirak ne'ebé tinan la hanesan no mentalidade mós la hanesan, hanesan avo feto no mane, aman inan, maun bin no feton naan sira. Em jeral oan mane boot ka oan feto boot hetan liu importunidade atu tau iha pratika sira-nia talentu edukativu. Nune'e mak akontese ho Maria Domingas Mazzarello ho Enrichetta Sorbone ne'ebé mai husi ita-nia irman dahuluk nain lima nu'udar orfaun la ho inan no nia tenki asumi kargu iha família nu'udar inan. Wainhira Enrichetta to'o iha koléju, Cronistoria pontualiza hanesan tuir mai ne'e:"

Liutiha loron ruma Enrichetta asumu knar nu'udar enkarregada atu asiste menina sira iha koléjiu; se mak bele hala'o didi'ak knar ne'e se laoos nia ne'ebé halo tiha ona esperiénsia ne'e durante tinan 4 nia laran hodi asume papel(peranan) nu'udar inan ba alin feto no mane sira? Nia hala'o tiha ona estájiu di'ak ida; no ninia esperiénsia pesoal ho labarik infantil sira, ninia keda psikológiku ne'ebé delikada no finu liu, ninia temperamentu ne'ebé haksolok no hakmatek forma nia hanesan edukadora tuir Don Bosco nia fuan no irman Mazzarello ninian. Liutan ne'e tanba nia hetan konfiansa husi sira nain 2, tulun nia atu dezanvolve nia an atu sai klamar ida-ne'ebé delikada no loke an ba Maromak laho falsildade ; sira observa husi dook no husik nia atu book an libremente ho menina sira". Cronistoria II 28, Italiano.

Liutan ne'e ir. Enrichetta ho ninia laran-mos/pureza no ninia aktividade ne'ebé lapara, prontu nafatin atu fô-ksolok ba irman no menina sira, nia sai hanesan modelu no laran-manas ba sira. Nia parteseiva aktivamentu iha servisu hotu ne'ebé nesesariu, halo no hanorin, no la lakon tempu nein minutu ida, eduka menina sira tau ordem ba sira-nia sasan no mós sira-nia moris, hadomi knar sira uma laran nian, todan eh kman dalaruma tenki hafoer liman, ka servisu doméstiku nian, eduka sira iha kapasidade atu asume no haree hetan roupa kuak ne'ebé kiik liu no suku fali ho delikadeza, sira nia rasik no sira seluk nian. Ho maneira espontanea Enrichetta tau pratika hela Don Bosco ninia rekomendasaun sira, hodi prepara nia an ba hasouru família, kreda no foinsa'e sira ne'ebé iha kampu servisu nian ho haraik an no piedosa. Iha tempu libre nian nia besik nafatin ba sira; iha sala kostura, iha refetoriu, iha fatin rekreiu nian, iha dormitoriu... Irman Enrichetta horik nafatin ho menina sira, nia hanesan bin boot ne'ebé di'ak liu, ho ninia alin kiik sira; no sira ba-mai, servisu, estuda, reza, la okupa an ho buat seluk sela'e sira-nia dever rasik...

Dala ruma Madre Mazzarello bolu irman ruma(*liuliu sira ne'ebé hetan difikuldade atu asume knar autoridade ho domin no ksolok tanba ne'e mak karakteristik propriu ba edukadora salesiana ida*) lori nia ba besik iha sala kostura hodi dehan : 'haree oinsa Enrichetta halo". Cron. 111-112.

Misaun edukativa ne'ebé karakteriza komunidadade dahuluk imprime iha sira estilu ida relasional nian ne'ebé orienta foinsa'e sira atu hamrook ba Maromak no tulun irma sira atu la'o ho foinsa'e sira ba hasouru Nia, no hanorin mós atu "asume ho kuidadu" foinsa'e sira iha estilu preventivu, ho finalidade atu deskobre Maromak Nia projetu iha sira-nia moris no realiza iha sira an hanesan kondisaun ba sira nia felisidade rasik no nu'udar dalan santidade nian iha sira-nia moris loron loron. (PF.pg.91). Hahalok hirak ne'e nu'udar maneira espesial akompañamentu edukativu nian iha ne'ebé irman ida ida presiza iha.

Nu'udar rezultadu ba asaun ida-ne'e, sira nain rasik halo tiha ona esperiênsia hodi husik sira-nia an atu ema seluk akompañia ho docilidade tuir dalan sira espíritu nian hodi hili atu tau laran-metin ba sira nia gia ne'ebé bele orienta tuir dalan santidade nian.

Liuhusi espasu dixernimentu nian no momentu sira sintezi, avaliasaun no elaborasaun ba projetu moris nian, edukadora sira orienta foinsa'e sira atu deskobre moris ho dom gratuita, haklean relasaun ho Jesus, nu'udar sentru unifikador iha sira nia ezistensia rasik.

In maneira jeral, edukanda sira ne'ebé simu iha kolejiu hatudu sira-nia disponibilidade atu halo dalan formativu ida hamutuk, sira mai husi ambiente rural no husi familia ne'ebé di'ak no formada ho prinsipiu umanu no relijiozu.

Iha Mornese mós la falta problema ne'ebé difisil, nune'e atu aplika sistema preventivu husu mós esforsu kreatividade nian no suporta ho Domin. Hodi koñese ba profil hirak ne'e, ita deskobre katak foinsa'e hirak ne'e ladun diferente ho ita-nia realidade moris loron loron nian no ne'e sai nu'udar haka'as an ida ba ita-nia tarefa edukativa

Tuir mai sei apresenta foinsa'e ida nia profil ne'ebé hetan dalan akompañamentu husi ita-nia Irman dahuluk sira.

Corrina Arrigoti, mak fuan ida-ne'ebé konkista ho domin.

Corrina Arrigoti too iha Mornese molok iha kolejiu funsiona. Fetoran sira ne'ebé atu sai FMA sei FMI, FMI sira hela iha uma Imaculada. Nia tio husi papa nia parte mak husu ba Pe. Pestarino atu simu fetoran ne'e iha uma Imaculada. Corrina mama mate ona, nia intelijente, sensibílissima, delikada, maibé uluk toos. Nia aman duke orienta ninia enerjia ba dalan di'ak, lori nia husi festa ida ba festa seluk, tanba nia sei foinsa'e hela, atraente, no instruida. Nia tio hanoin kedas se laho gia ida fetoran ne'e sei disorientada no lori nia ba moris ladi'ak. Atu konvense Corrina nia papa hodi haruka oan feto ba Mornese, nia tio fô garantia katak iha ne'ebá nia bele continua estuda piano, sei la selu, no ho tempu hanesan nia moos bele hanorin iha eskola. Tanba ne'e wainhira Corrina to'o iha Mornese nia enkontru ho irman sira lalori nia ba trauma. Klima serenu no ksolok, ralasaun laran-di'ak nian, simu nia ho di'ak husi parte irman sira nian no Pe. Pestarino konkista Corrina ninia Papa nia fuan; maski iha haleu ho ambiente relijioza nian be nakonu ho hakmantek no Maromak Nia prezensa, papa husik oan feto iha Mornese fila fali ba nia uma satisfeitu.